

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Dissertatio Philologica De Sepultura Josephi Patriarchae

**Carpzov, Johann Benedict
Ibbeken, Rudolph**

Lipsiae, 1697

§. I

urn:nbn:de:bsz:31-10271

כש

§ I.



Renati Cartesii vitam Gallica lingua descriptam, & Parisiis Anno MDCXCI. editam celeberrimi Actorum Eruditorum Collectores, sequenti anno MDCXCII. mense Junio recensuere. E qua post alia memoratu non indigna p. 287. referunt, ipsum Holmia Anno M DC L defunctum, & ejus corpus in cœmeterio Orphanotrophii, ubi nunc S. Olai sanum est, sepultum. Plus quam tribus deinceps ab ejus obitu jam exactis, Anno nempe M DC LXVI. Alibertum, Generalem Francia Thesaurarium, veteris amicitia memorem, veniam impetrasse, sacrum illud depositum è Suecia in Galliam transportandi, unde solennibus ceremoniis Cartesii cineres ac ossa in presentia Gallici tunc Legati Terloni effossa, cupreoque sarcophago inclusa fuisse; ac postmodum, cum ineunte Anno M DC LXVII. Lutetiam delata essent, magnâ cum pompâ die sequenti 24. Junii in Basilica S. Genovefa de Monte sepultura tradita fuisse. Factumne hoc ex superstitione, an odio religionis Evangelicæ, ne inter hæreticos scilicet ossa viri Romanensium sacris, dum viveret, addicti, recubent, (quod Chanuti, Gallici in Suecia Legati cautio, ne in templo Regum sepulchris superbiente terræ mandaretur, sed in cœmeterio, quod aliquos religionis consortes capiebat, sepeliretur, ferè arguit,) & num ab amico id ante obitum petierit Cartesius? non disquiremus. Res ipsa certe uti commodis carebat, nihilque sive corpori, sive animæ pridem demortui afferebat emolumenti, ita consilio inepto stolidoque acta nobis videtur.

§. II. Fuit tamen aliquando, cum sapienter & sancte tale quid desideraret *Josephus Jacobi filius*, pieque ejus jussa exequerentur Israelita, diu post illius obitum ex Ægypto in Palæstinam migrantes. Laudat enim factum Apostolus, & inter fidei documenta refert: *πίστις Ἰωσήφ τὰ θάνατον περὶ τῆς ἐξόδου τῶν υἱῶν Ἰσραὴλ ἐμνημόνευσε, καὶ ὡς ἰδίῳ ὅσων ἐνεείλατο*, Fide *Josephus moriens de exitu filiorum Israel meminit, & de ossibus suis mandavit*, inquit *Hebr. XI, 22.* Dignum omnino attentione & meditatione Theologorum, qui cum in *Thestiv* versantur, articulum de fide exemplo hoc egregie confirmant. *Chrysostronus Homil.*

A 3

XXVI.